



國家清史編纂委員會·文獻叢刊

清代詩文集彙編

國家清史編纂委員會・文獻叢刊



清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五八二

醴江詩草二十六卷 蘇宗經撰

一

慎動齋文集十一卷 蘇宗經撰

三五九

餘甘軒詩鈔十三卷首一卷 何曰愈撰

六〇三

存誠齋文集十四卷 何曰愈撰

六八九

醴江詩草

光緒十有八年歲
在壬辰仲春開雕

醴江詩草序

蘇子文庵定州名孝廉也歲在癸巳余由白州代應是
邦識文庵於紫泉講院特立獨行不隨俗爲俯仰間或
留心音韻余甚難之迨余調任他去文庵亦有燕北之
行蓋別來幾易寒暑矣今年春文庵方里居余適因事
來鬱旅次接見袖其詩一集見示余受而讀之竊以爲
文庵之見知於人與人之知文庵者當在敦品持躬之
大節不於區區文字間也然而在心爲志發言爲詞或
幽居一室或友教四方或山川名勝之因寄所托或昆
蟲草木之觸目興懷形諸咏歌皆足以規其中之所蘊
醴江詩草 卷之楊序

其感發乎性情則忠厚之旨也其愧厲乎流俗則砥礪
之音也其不事彫飾自然成文則純乎天籟流於齒頰
而不自知也文庵之爲人不於此益可想見其標哉余
不能詩更不善文因相知既久爰弁數言於簡端竊願
與知文庵者一共證之也皆道光十七年丁酉孟夏蘭
溪楊兆晉識

羅江詩草自序

詩者立言之一端也或直言或曲言或隱言凡觸事觸物觸景觸情意之所在信筆以達之流連婉轉味深而長已之意得以申人之心可以感此三百篇之旨也然古之爲詩者不分工拙取其意而略其詞後之人每求工於字句之間字必協乎韻句必諧乎聲典必據乎書法必依乎律非資之高學之博鍾鍊之熟者不能而溫柔敦厚之氣足以使人興觀羣怨者豈能外乎且夫言亦不能比而同也十五國之風俗各異其詩已各不同而況於人彼此異志前後異音安能貌襲而世之人每

羅江詩草

卷之

自序

二

羅江詩草

卷之

目序

二

鬚眉之致是故雖不及於古亦自寫乎吾區區之心安能自己茲以六十三之年目力腕力尙堪聽用蠅頭小楷親手謄鈔分爲十有六卷聊叙所由於卷端若天留頑骨景與年新必又不已於言自笑爲候蟲時鳥然乎哉時咸豐五年歲次乙卯暮春之初文庵蘇宗經書於南陵學署

醜江詩草序

凡物不得其平則鳴而人不盡然也氣質未化雖無所感而亦不能平學養既純則隨所觸而皆得其平此諸非關襲取亦斷不可強爲惟性之定而情之和者能之濂溪之文康節之詩是也讀慎動齋文而服先生之學養純矣伏而誦其詩抑何其堅定而和平也夫人一日之間一身之內以及天下之大萬事萬物之繁其不平者蓋難以億計自先生視之則皆有以得其平焉於先生之詩見之觀咏史咏龜黿母祠之作則平以識示內弄猴過洞庭諸詩則平之以守識守生於學問卽蛛網醜江詩草

卷之梁序

茶花示弟老儒諸作而學問見焉學問者氣節所從出也於傀儡戲柳腰飛蛾之什而氣節見焉有氣節而無閱歷則疎有閱歷而無抱負則鉅讀書戒閒意途中淋雨情人負過溝知其閱歷深矣咏熨斗賦燈籠知其抱負大矣惟深且大乃歸於和平食芋觀雪平之以恬淡而釋矜躁也逍遙賞桂平之以達觀郭林宗祠秋日晚步平之以清曠而非逐物也放蜂逐蚊平之以慧心仁術而非遺物也若夫孝慈信義又豈徒憶親憶子詠畫眉而已哉大率先生之詩如其文勃窣理窟振振性情皆先行其言又不欲以言見而積盛而流有發於不容

已者是以似樂天之平淡近元亮之清真其道氣充也

論詩者以是爲先生之詩翰不能詩而歛其堅定服其和平直以爲先生之性情焉耳何以證之其跋先人詩曰妙義得從文字外真音發自性情中讀別裁詩選曰不須界限嚴唐宋祇要聲音見性情幽居云人未見才宜習靜詩求脫俗不須尖垂簾云書卷之中多見我性情以外別無詩旨哉斯言可以觀矣時道光二十一年辛丑愚姪梁翰頓首謹撰

醜江詩草

卷之梁序

鹽江詩草目錄

卷一

古今體詩一百三十六首

卷二

古今體詩一百四十二首

卷三

古今體詩一百二十九首

卷四

古今體詩一百五十一首

卷五

鹽江詩草目錄

古今體詩九十三首

卷六

古今體詩八十六首

卷七

古今體詩九十五首

卷八

古今體詩一百零一首

卷九

古今體詩一百六十八首

卷十

卷十一

古今體詩一百二十九首

卷十二

古今體詩五十首

卷十三

古今體詩一百零五首

卷十四

古今體詩一百一十六首

卷十五

鹽江詩草目錄

古今體詩一百五十二首

卷十六

古今體詩一百三十九首

卷十七

古今體詩一百五十三首

卷十八

古今體詩一百三十首

卷十九

古今體詩八十首

卷二十

古今體詩八十七首

卷二十一

古今體詩一百二十首

卷二十二

古今體詩一百三十四首

卷二十三

古今體詩一百三十三首

卷二十四

古今體詩一百三十三首

卷二十五

灤江詩草 目錄

古今體詩八十首

卷二十六

古今體詩二十二首

三

題贈

平樂 貢生 林天笏 捐仙

一縷精心結撰中天機浩浩杳難窮眼前情景關思慮
手上描摩有化工淡蕩夷猶神自活清冷灑灑趣俱融
淵明真學蘇州淡千古風騷一樣同

心地先生絕點塵豈徒吟咏見天真渴和應似程明道

鴻博何殊井大春先生於經史子集無不博覽而得其要三學英才承振

儒先生招諸生到學每月三課授以餐百年舊籍慶重新先生將存學

秋簾盪還清潔文廟總祭器二百餘件俱無歷任師儒

有幾人

灤江詩草 卷之 題贈

灤江 史 蘭 題田

途遇成傾蓋神交意更悠風儀現大雅纂述足千秋先生

所輯明史約編通志精要二書足見史才密翠環書悅花香助酒籌學賢在

種花先生多卿媛容我假許兌一瓶先生情書甚高

宦跡甘中隱塵情不染襟性惟耽嗜古品豈屑隨今酒

翰飛花繁論交報李深自憐霜雪鬢賤齒七十四幸和短長

吟

容縣舉人 王維新 竹一

未鼓昭潭柘先知邁等倫搜羅逾萬卷輯錄照千春緣

以淡能足先生非義不取道於儒得伸何期鳳山下長與結爲

鄰

風雨時相會同官得未曾高談微器識先生於理學經濟並有抱負
薄發見才能積善思成海傾危矢作冰孤亭餘十愛誰
辦酒如繩

容縣王季儒 謝池
拔貢

先生胸有浩然氣終日坐談天下事想見衡茅伏處時
胸中早具擎雲勢負郭曾無田半頃裏腹便便饒有節
也曾四上黃金臺垂暮功名苦難遂關干首藉餐樂水
口講詩書不講利清廉不必要人知事在嫌疑先已避
寅頰憐木每嘆情先生淡然素其位府官保舉先生不應按囊飲
江詩草 卷之 題贈

食謀生徒誘掖不徒在文字世情閱盡詩益多心所欲
言筆先至生公說法化頑石方朔詼諧矜俗吏酒涓波
靡欲挽回可笑世人多夢醉示我一言當龜鑑人生趁
早須立志

北流李士瑞 芝田
進士

萍踪遇合有前因余自京廬遇先生於桂林同舟而歸一見真如故舊人
醇正屬能執末俗平生學在古名臣三年績裕潛龍志
八載肯聞屬纊身先生教年晚節黃花應更好太公八
十尚垂綸

古今圖書集成

藝林陳賢品 院林
進士

共知文墨擅長才不道襟懷絕點埃卷舒俯仰自今古

曾無愧作干靈臺清白家風持世久窮居已見能操守

夜雨青燈幾苦辛潛龍飛出羅江口半幅青瑣坐講堂

欄干首藉春風香十載膠庠重德化歸途千里一空囊

州中公事無大小綢繆盡善皆能了和衷共濟不辭勞

有善於人人莫曉一集承平大雅音眼前明鏡線頭針

不貪溫李愛白陸細味應知閱歷深陽春有脚憐幽草

幽草不自知衰老欲持樽酒向崇階對月痛斟忘潦倒

詩本性情關閱歷一番煅煉一番新窮通得喪忘懷人

臨桂優貢陳際昌 松生
新嘉訓導

江詩草 卷之 題贈

花鳥羣魚寄意真養得源頭都活潑自然氣味極深醇

知君堅白從來擅涅不能磨磨不磷

久識才名似入又每逢山水興尤餘孖懷能繪畫中景

感物常開筆底花好古尤爲多士法非公不至長官衙

與君一夕從容話勝卻窮年誦百家

浙江鄧煜 若園

沈酣經史及莊騷意氣恬和志自豪揮力欲垂千載後

著書不惜十年勞胸中泰華千霄漢筆底波瀾壯海濤

宦海茫茫從彼闍塵埃那得比君高

鏡地虛澄不待磨照人肝膽矢無他胸懷縱熱官仍冷

志節雖高氣自和人爵不如天爵貴善心終較利心多
南陵三載瞻風範始信堯夫愛樂窩

新寧 黃敦本

人自趨炎我自涼檢來箱篋廣篇章芝蘭秀茂心田厚
桃李栽培道脉長清德何堪隨感染高風甘咬菜根香
兒童走卒知司馬三載南陵令聞彰

新寧 彭翹

先生雅化起淳風品若璫瑱望若膏鈞卻雙瓜全介節
用北史蘇曼事行嫌捷徑懷非公言詞警戒如施藥吟咏調和
似撫桐可惜陽春空感物鸞聲不響聽哀鳴連年宦海不能受教

醴江詩草 卷之題贈

醴江詩草卷之一 自道光辛巳至庚寅古

參林蘇宗經文庵氏著 今體詩一百三十六首 男玉霖 孫龍 均校

蛛網

事業如漁較自然生涯隨分亦隨緣看渠組織心機巧
都是經綸腹笥便小施或於荒巷裏大張多向畫樓前
有時好雨沾濡處綴得珠璣顆顆圓

得舉

三次泛秋槎今番折桂花身名應不賤文字豈堪誇
俊逢 新主是年為道光 登場免副車 是科廣西知縣
十八名正科 文魁門榜掛又是孝廉家

醴江詩草 卷之一

將入京會試

驚馬一爭先前途又著鞭路程鈔手冊親戚助腰纏
動沖青志渾忘落雪天得虛原偶爾敢望捷能聯

京邸送家伯洛圖先生歸里 以下 王午

功名得失本無端旅雁歸程健羽翰萬里虛來看日色
六旬也幸見天官 先生年六十矣以詞經 應邵文考試授訓導職 馬羈河北母
愁我 余以落京 弟留京魚美湖南好健餐抵里應當霜落後東離
黃菊慰平安

中秋夜飲李陸園太史寓所

何緣看月到燕京月與家鄉一樣明旅館寒儒原有興

本天詞客亦多情爲木天官場何敢攀前輩是日食稱古名曠李陵蘇武唐李且把盤餐折一醉全蟹肯因瑣瑣誤平生

秋鷹

凌空意氣一番新未肯低徊混俗塵笑煞樊籠織唱鳥三分飢渴盡由人

熨斗

錫行由來百鍊成熱腸可恃任縱橫有時操柄囊刀尺布帛看渠到處平

葺裘襖

灤江詩草 卷之一

二

冬入寒風漸逼身飲裘抖擻驗絲絢修來邊幅還須我度得金針不倩人兩袖曾黏三試湯長裾詔采六街塵大街六繙衣未靜安能改禦凍踴過冀北春

補履

八千里路備艱辛稍敬何堪棄與人尚可出門供踐履不妨補闕費精神梯雲自昔慚徐步望道如今好絕塵獨恨化晷無妙術燕京雨載夢 慈親

炙硯

每當風凜烈難得墨淋漓濟以熏蒸氣旋看活動時波間鷗得眼春入鳳凰池誰識冰堅處龍蛇不可羈

燈籠

彌縫周密未曾穿一點丹心正不偏慣引人間行穩路那愁星暗月昏天

小至

佳節人間計瘦肥風土記吳人重冬至晝冬瘦生旅懷有客獨依依

天門開處煙都繞天開雲氣濃時雪欲飛密室還須垂

厚幙重裘猶似著輕衣百官明早朝元處兼賀豐年不

用祈

食芋

家園一別已經年肉食徒流見麤筵自笑寒酸猶愛芋

灤江詩草 卷之一

三

雖高聲價不慳錢錢十六心情原本同迂士事業何須問

懶彈用李莫說長安居不易白居易初入京謂親況笑曰長安米貴居不易

作官未必勝耕田

立春日早起

漏鼓銅籠報五更起來氣味十分清玉塵庭院都堆滿

映入書窗照眼明

除夕李曉園招宴

功名欲著祖生鞭南粵儒生寓北燕桑梓有情隣寂寞

雞豚分惠意纏綿笑談筵席人三五彼此家鄉路八千

小戶今宵成大戶窮通得喪總茫然

癸未元旦以下
癸未

天近春回麗日中
緇塵未起雪初融
柳眉隱約將舒綠
杏臉惺忪欲放紅
朋有歡情三館酒
得梧鬱共一公館
名三館時余寓外
店因賀年
親友留真面迎和氣六街風
公卿朝賀詩堪和局外還
愁語不工

觀雪

擬盤味絮意都差
未免纖微不大家
清白別開天景象
光明頓失地塵沙
高樓閉戶人猶臥
禁曉吟詩氣自華
歐陽永叔蘇東坡吟雪不用
玉絮霜粉等字名為禁曉
台下已無紅綠態孤芳只
台賞梅花

醜江詩草

卷之一

四

和鍾霽庭表叔人日雪晴韻

豐年兆已慰三農
旅客多情興亦濃
嫩色光融瓊島日
新機蘇起玉泉峰
瓊島玉泉
北京之景
陶生自試茶中味
海穀雪
水烹茶
王播從聽飯後鐘
掃境擬將開院去
杏花消息已從容

和霽庭春日早起韻

誤因越石促聽雞
晉劉琨
字越石
春夢醒來眼尚迷
時余與霽
庭寓雞紫
雲店
燈火猶光窗左右
車聲已响巷東西
共趨名利
風塵苦都爲飢寒
子女啼奇怪百般
繁鬧裏略如牛渚
一然犀

春日琉璃廠看秋干

醜江詩草

燕市春回日正妍
琉璃廠外舞秋千
花鬟側側疑無地
彩索飄飄欲上天
簫管中含同樂意
笑歌時見太平年
開元貞觀應無此
慙愧阿婆蹉不前

安肅縣萬壽宮哭家叔祖孟侯先生有序

先生諱畧可以舉人官宣化縣教諭前因修營
林 文廟輯學宮錄一卷鄉賢一類州志原載
八人而祠內之牌多陶成陶魯吳貢珍三名先
生遵志不錄陶吳子孫遂以嗣賢控告撫督大
憲俱飭其非後學政朱公方增按試陶吳飾詞
呈控朱公重二陶名批准入祠并申飭先生且

醜江詩草

卷之一

五

令將批詞立碑祠內先生不服壬午會試後訴
于都堂歸至安肅病故旋而粵撫飭將祠內碑
毀碎夫陶氏二公實爲國士不愧鄉賢而未由
詳請自入贊門豈爲正大先生豈爭其非賢蓋
亦自明其無過耳余于此事知之頗詳因誌之
以告後世

去年烏府訴冤端誰料歸途體便寒
京邸親朋三日遠
安肅至 薄棺殯殮一奴看身終異地
心何傲官撲誣碑
京三日 魄亦安萬里扶靈還故里
江湖風浪不嫌難

由安肅至天津

時與薩陽卿太常祖培義賓石宜
望興集麗鳳儀兩孝廉各盡樞同

開江紅大船由通州出天津入清河
湖長江而歸余通五侯之極合馬

不因作難事安得歷新景五月雨水多溝洫行艇

小何春夏可行秋冬則否庭閣二三尺露腹無蓬頂須人載水暫處

非久居篋笥繫麻纆一棺占過半棺下插鄰腰只可以

伸腰何能立引領飲食就口岸無路安適鼎局促略儀

文主僕則可並曲巷穿蘆荻淺渚葦蕩荷波活潑靜時

星月看光耀望來江濤處如鏡無畦町易水懷荆卿似

聞說淒涼通新安全大令同鄉可謂請時靈川全君

之杯酒有歡情贈物半辭屏餘以錢米三日天津到

大船無形影盼望欲經旬夜睡目難瞑一朝欣會遇彼

灤江詩草 卷之一 六

此都慶幸時孟侯之弟攜鴻雨肩輕眼思觀海遼

莫侯在大船臨清州阻開

洪衛洶洶壓開頭漕河此處是咽喉時衛河水舊船未

去來新艇清水何堪納濁流能走要津原不易況非人

事又何尤江干槩柁間兩月六月二十五日始開看徧沙

邱草際秋

季札掛劍處

張秋鎮外小祠堂即季子劍去千年跡未亡草可怡心

吾未信云祠旁草幾人心似此公良

泊清江浦

清河紆緩鼻曾酸河道曲折黃濁奔湍膽又寒黃河與

肅順險人別家鄉隨處苦路無平險一般難煙波潏蕩

臨清浦蓬艇逍遙羨釣竿貴賤莫非期飽煖書生計拙

要求官

漂母祠

世俗薄寒士那如一漂母異眼看王孫一飯亦不朽太

息淮陰子才高數不偶既報飲食恩難事司晨后有方

同逐鹿無智免烹狗生死事太奇都在婦人手畢竟愛

才者享福自長久祠廟小如拳千金能買否

淮陰侯釣臺

灤江詩草 卷之一 七

韓生才氣壓蕭曹脫卻蓑衣著戰袍逐鹿功成人不返

離離秋草釣臺高

界首中秋夜

團圓月色照遊槎客子心情一倍加岸上高樓聞開酒

船頭行竈屢烹茶不嫌露重蕉衫冷坐待河傾桂影斜

共約同人申禁令只談風月莫思家

中秋次日泊揚州

行路艱難欲白頭燕都百日到揚州天時大半曾過去

人事三分不自由煙草已埋隋苑蹟文章還寫蜀國秋

山堂在馬輕舸數日逍遙去又在江南畫裏遊

過金陵

遊歷匆匆一二街不知何處是秦淮
樓海市悠然過
華麗何須盡入懷

泊黃州

阻風常事順風稀每看如花木葉飛
世故逆來當順受
長江東去我西歸山川多借名人重
爭戰何論此地非
江旁有赤壁黃東坡遊赤鼻石磯千
古在巨公祠廟對斜暉

謁蘇文忠公祠

先生入世抱忠肝莫作荆公一例看
世有諗東坡者未敢言之王安石者

灤江詩草 卷之一

八

千載文章昭日月三吳德澤及孤單
諧和野老田夫易
公在黃與野協合名卿學士難堂上
翠屏留二賦
老田夫來往
書亦壁曠懷天馬不羈鞍

謁于清端公祠
公名成龍山西人歷治開由副榜為廣西羅城令官至總督曾守黃

列傳

公是廉能第一官旌旗到處萬民安
高牙大纛能無愧
小縣荒城已見端
公到羅當兵荒後艱請託親朋無口苦窮其有治羅日記
吾畏懷寇盜見心肝
公在黃當吳三桂反後平土賊十萬
祠堂赤鼻磯邊立
尚有鬚眉照水寒

登黃鶴樓

灤江詩草

綏槐南歸易泊船名樓登覽亦良緣
江湖合處波常壯
崔李吟餘句少傳
此樓之詩以崔浩李白為首
同憶燕臺真似夢
窮粵嶠尚如煙
離家倏忽經三載
富貴榮情愧呂仙
呂仙有盧生像

衡山縣夜泊

秋盡衡陽露氣清
歸舟夜泊近江城
三更誰弄梅花曲
虛擁寒衾夢不成

泊衡州府書事

歷盡江湖見祝融
衡山在城北有祝融峯
半年腰腳屈低蓬
蘇秦正在憂愁裏
劇孟偏逢邂逅中
劇孟能救人急見史記時路費為莫侯借與羅

灤江詩草 卷之一

九

某而羅又往別處借貨不能還因厄已極
適遇高桂夢
則車大開素未識也余聞其自弟衡歸
為之告困乞借
十金君坦然而與
凡事徇人終誤已
阿誰出口盡由衷
是絕處逢生也
丹楓落盡梅花放
五嶺還欣路已通

江樓講學示諸生

以下甲申

講壇設處絕塵埃
童冠彬彬遠近來
人意如花當二月
惺惺含葉待風開
修翎且莫急高飛
最怕心猿放不歸
童子聰明應出眾
如何三載下書帷
詩書義理古今同
只要靈犀一點通
莫看文章為外事
文章都在世情中

功名如海孰知津只管理頭耐苦辛盡我所爲餘聽命
總須不愧讀書人

觀奔

紛紛劫奪不饒情頃刻之間又散拜廢盡精神緣底事
只因黑白太分明

哭家叔祖孟侯先生

庸碌紛紛死亦輕惟公忽歿最傷情居鄉模範追三呂
講學風規仿二程獻璞竟難訓素志九上春得官猶是
掛虛名大挑二等選宣化課廬書閣巍然在先生書樓名誤讀盡
瞻望門牆淚欲傾

灤江詩草 卷之一

十

龍泉書室春夜

書聲靜後近中宵坐對燈檠趣亦饒池畔蝦蟆喧鼓吹
砧杵蚯蚓弄笙簫潛夫著作阿誰愛漢王符字潛夫仲著論訛切時世
蔚蓬蒿且自聊漢張仲蔚居借枕不須肱可曲
事儒生未敢厭簞瓢郭夢

雜鳥

蒙茸毛羽力猶微逐隊穿林趁曉暉風暖雲開無碍處
幾時高倚碧天飛

自遣

塵海無風亦起瀾自尋僻處設文壇謗來莫辨終須白

路險行遲也不難閒態與雲同澹蕩虛心有竹共平安
匡牀欹枕逍遙臥山勢高低子細看

感事

胸襟久矣開畦町豈有看人眼不青君自尊光如北斗
我今子細讀東銘浮雲來往原無迹碧月盈虧亦舊形
世事紛紛難立脚者番又似醉初醒

題梁母李氏節孝坊

天留正氣繫綱常閨閣清風慕此鄉五月文鴛虛宛頸
氏歸五四旬寡鵲痛返腸氏守節鏡悲早破圭無玷情
月夫亡四旬寡鵲痛返腸氏守節鏡悲早破圭無玷情
不能移性本良于古完人都耐苦可知茶夢十分香

灤江詩草 卷之一

二

夢入京見座師韓鶴莊先生

息影鄉園忽四年深慚盛世滯林泉壯懷偶動飛騰
志知已旋通夢寐緣買駿自高燕市價聽雞應策祖生
鞭醒來敬枕低徊甚心緒條條向日邊

中秋夜二鼓後月始出與門人對酒

誰將蟾魄繫沙囊掩映多時始放光偶爲癡雲宜暫晦
原來寶相不終藏談傾今古幽情暢分略師生酒興長
更喜有人家萬里同堂共聽木犀香

夢卓中翰寬甫評改余文

半生入股費經營鎔鍊無功竟不精那料金針如暗度

也因良玉佩先生可憐朝暮勞心血終是虛浮昧性情
陳文章羅成底事僅邀文苑掛空名陳諱泰艾南英章世純羅萬榮俱無事美入明史文苑傳

贈百歲鍾翁

華髮飄飄白未全五官聽用尙輕便過來深谷幽林地
疑是餐芝御粒仙欲問長生無妙術每言習尙異初年
得聞一席殷勤話如在洪荒太古前

題紫泉書院田租冊以下

定州舊林爲培土百年深產業源流試細尋乾隆年間始有定州古定州今日生徒沾小惠當時父老費婆心所有之租俱納土與官策畫而得者

灤江詩草卷之一

文風鼓勵都興起士氣淳漓感古今租石稍增還小補
素餐五載愧同林余自甲申官至今增租二十餘石

命諸弟鈔先祖詩文

莫爲之後盛難傳待後端還有守先勿把文章同故紙
須知心事在殘篇舊家板衍非喬木世業瓜綿貴硯田
一脈書香期似續珍藏總要過銀錢

鈔書

時當強壯在家鄉愛玩詩書錄舊章點畫自看今日好
精神卻遜少年長力猶自食慚毛穎祖是誰輸問墨莊
欲學班超投筆起封侯未必費商量

重裝陝西通志

百卷煌煌記載全秦中圖籍喜流傳田園雲散都隨運
典冊珠還也有緣此書爲先祖鄧州刺史所遺已落在他家余以物假之兩漢三
唐遺跡見華山渭水臥遊便功名經武衛無力石硯扶
來淚欲漣

再入燕京

妄念旋嫌待免非攜來孤矢拂征衣山中猿鶴從渠怨
北山移文舊帳雲裏驚鸞欲共飛笑我離家情脈脈送
人有柳眼依依蒲帆掛起銅鉦響又是功名誤釣磯

出陡河過興安縣

灤江詩草卷之一

行盡靈渠路與安別有天徑緣橋底入舟向市中穿渠
腳揮波易逢窗買酒便水程今轉順翹首望前川

遊湘山寺

山青水綠樹葱蔥軒豁清幽兜率宮形勝地真雄粵北
荒唐語肯信齊東俗傳爲內戶心存何必區區壽身外原來
事事空試上妙明高塔望寺中有塔七級名紛紜都覺
在塵中

姚給諫墓在湘山寺東時給諫名伯善俗傳其不

案省志給諫于明天順間奉詔采木廣西瘞卒
全州因葬于此又案粵西詩載姚之柩已運去
則此墓亦空也

湘山寺裏一邱墳傳說當年佛殺身不信慈悲兼愛者
肯因小故便戕人

午日祁陽舟中

悠悠時序又端陽一艇逍遙掉綠繡鼓看人誇競渡
簫蒲撲鼻有奇香黃鵲醇美同遊客丹荔新鮮念故鄉
自古功名難遂志笑余何事此皇皇

五月八日客中憶二兒遇歲

生來頭角頗崢嶸增福呼名繼乃兄匍匐能余作客
捧提今日汝何情宋曹彬遇時主撫印台不堪大志如

宗慤勿時其叔問何志曰又起癡懷似向平平飲遠
廟乘長風破萬里頃又起癡懷似向平畢遠出

蘄江詩草 卷之一 西

石鼓書院

蓬矢桑弧真自愧山林廊廟兩無成
景到沅湘會處幽鰲頭矗立似瀟湘欄杆臨水塵氛遠
樹木交柯暑氣收高詠可諧啼鳥韻舒懷或上釣魚舟
育才有地傳名勝几席曾經第一流

湘江夜行

浪靜波恬淡淡風輕舟順放月明中蓬窗穩睡無消息
景地明朝又不同

賈太傅祠

年未三旬官諫議漢文那算負先生論高世主嫌迂闊

痛哭都門事不行

過洞庭

布帆掛起任風吹人力三分一杵持此處原非憂患地
吾心自信在平時

望岳陽樓

巴郡湖邊望處分岳陽樓闌入煙雲登臨不遂無他恨
原本胸中有范文

武昌謁楊清端公祠

情肅庭堦草未荒老成眉宇氣慈良星辰當日輝鸚鵡
湖名在俎豆而今奠鳳凰坡名即已利人多兩澤舊督

蘄江詩草 卷之一 圭

鹽稅銀每年四萬餘公裁之令商咸便又請支官俸役
工州縣派捐並節禮陋規俱行禁革官民並沾其惠
廉冰介石籠天章御製像贊有廉潔如冰耿介如石之句笑他擎蓋鳴

騶子不愛聲名愛宦囊

重登黃鶴樓

一別名樓又四年再來仍未了塵緣長江不盡原如此
世事皆空敢信然鄂渚逍遙尋古跡燕臺縹緲望長天
仙人見我還應笑已有青髭掛嘴邊

夏日漢口鎮禹館

如飯薰蒸熱氣狂何人心裏有檀香佛法以白檀香
祇須避在塵埃外靜坐無風亦自涼身除一切煩惱